



Press saopštenje za medije

Vijeće stranih investitora BiH (VSI) objavilo je listu prioriternih reformi za poboljšanje poslovne klime u zemlji, koja je 14.06.2011. godine predstavljena vladinim dužnosnicima u BiH.

Sarajevo, 14.06.2011: Danas je Vijeće stranih investitora (VSI) prezentiralo Bijelu knjigu za 2010/11. godinu naglašavajući ključne prepreke za investiranje u Bosni i Hercegovini, a istovremeno nudeći niz preporuka o tome kako ukloniti administrativne prepreke koje su otežavale poslovanje kompanija. VSI se prvenstveno bavi poboljšanjem pravnog i regulatornog okvira u BiH, ali jednako su bitni praktični koraci koje vladini dužnosnici mogu poduzeti kako bi se poboljšao proces rada unutar institucija.

Bijela knjiga je publikacija koje se objavljuje na godišnjoj osnovi od strane članova VSI-a. Svrha Bijele knjige je da sugerira vlastima Bosne i Hercegovine (BiH) prioritete reforme u cilju rješavanja ključnih prepreka za ulaganja. Bijela knjiga za 2010/11 godinu, obuhvata devet područja: **registracija poslovanja, dobivanje boravišne i radne dozvole, poreze, dobivanje građevinskih dozvola, Zakon o tržištu vrijednosnih papira, Zakon o privrednim društvima, Zakon o izvršnom postupku, Zakon o likvidaciji kompanija u Federaciji BiH, Zakon o stečaju u BiH, kao i izvoz.** Članovi VSI - a, su identificirali kratak popis reformi sa predloženim rješenjima, koja bi se mogla implementirati u narednih 12 mjeseci.

Gđin. Giulio Moreno, član Upravnog odbora VSI i šef misije Europske banke za obnovu i razvoj u BiH (EBRD) izjavio je: "Uzimajući u obzir učinke globalne financijske krize, i političku nestabilnost, vrlo je važno da svi subjekti djeluju determinirajuće kako bi se što prije otklonile sve one prepreke i problemi sa kojima se susreću strani ulagači, a zatim, kada to financijska situacija dopušta, omogućiti priliv novih ulaganja. Nova Vlada ima tu dragocjenu mogućnost da preokrene negativni trend i otvori novi dijalog prema stranim investitorima."

Osnovano 2006. godine, kao neprofitno udruženje, Vijeće stranih investitora ima za cilj da djeluje kao jedan glas svih stranih investitora u Bosni i Hercegovini, te nastoji promovirati poslovno orijentisane inicijative i pružiti praktičnu podršku svim investitorima kako bi poboljšali poslovno okruženje u zemlji. Članovi VSI-a, su uložili preko 4 milijarde eura u BiH i zapošljavaju preko 10.000 radnika.